

افتوني...!!

طبيه .. ولمبة جاز..

طالع منها نور يفرهد

وسقف بوص وجريد طول الليل بيبهت

في حل مسأله في كتاب الجبر

الجيب مكنش حامل يجيب الحبر

غير الرصاص

كنا بنقسمه بالسكين علي بعض إنصاص

حتي اكياس نترات البوتاسيوم

اجباري اول السنه بتفضي

وكنا بنرضي حتي بالبوت الباتا

لو ضاق في المقاس

افتوني...!!



طبلية ولمبه جاز

ونفس صبح يكفيك تتنفس بدون ماتتكم

وكلمه اتخمد

عندك مدرسه وعندك مذاكره

طلعت دكاتره وعمد

مدرستي كانت هيبه من غير لاب

ومعلمي كان رسول ليه درب غير دربي

ومن غير ضربتي كان يتهاب

مدرستي كانت طارحه شجر

لاف علي شباكنا وحضن

لبلاب

مصاريفي كانت بتقل

لو نقص شيء من الحلب



افتوني !!



مكنش فيه غير بغداد تسيعك
وبغداد وقتها دخلت حرب
معدش هتشم ريحه الجواب يا حمدان
ابوك راجع من الغربه بعرق القلب
نور القاهرة بينزف وبيعزف احزن غنوه جتار
و حمدان مستني
ومتني دراه علي اللمبه الجاز
بيسمع إذاعة لنفار
طابور المدرسه موعد مجيه
وغيايبه مش في يد الناظر
ومن طبع حمدان ما يحبش يخاطر
لا بالقول ولا بالقليل
مكنش سافل



افتوني...!!



كل اللي جواه عايز يشم دراعين ابوه

ورичه بابل

طابور المدرسه والعلم والنشيد بينادي الحناجر

انا يابلادي حاضر هنا فارس

انا اللي زرعوا صهيلى نوي ذقتوه المدارس

وقت المدارس ما كانت مدارس

مكنتش طفل وسور قزاز

طبلية ولمبه جاز

وكربون بيتسحب ليل صامت

وقرفصه بتحد م البرد

عشان اولى بالغطا الناس اللي نامت

فتق الليل قماشه وكشف عن صبحه



افتوني..!!



والناس اللي قامت بدري لحقت طابور الرزق وربحه

كلب الشارع بدأ ياخذ قسط راحه

بعد ما أتأكد من بزوغ الفجر خف نبجه

قدام الشمس كام مليون سنه

فنام جنب حيط

بعيد عن المواشي الساعيه وحوافر الاحصنه

البلده متحصنه بوفره رزق بغداد وستره القاهرة

صبح جديد ياحمدان صحي الجرس

مفيش في النسمه غبار

ولا قدام المكنسه شيء يتكنس

مفيش سوق للناس الوعار

وطبعه كتاب المدرسه ريحتها ونس

كل القلام في الدكاكين متباعين



افتوني...!!



وقلب الشجر رصاص
بس خايف العنس
اه يا حمدان لو تكبر
السنين اللي جيا مدحرجه نواحي الوطي
والأرض بتضيق
واللي جي ملوش في الورث ثدي
وأياااااه
ايه..؟؟

اللي يدخلك في علم اللي جي
اذا كان فاسك ليه خشبه ومسمار
والدنيا عمار وقلبك حي
سيب الدنيا تستوي و تطيب
ورضي بنصيبك لو جايلك ني

